

283



玉

振

樂

解

八

黍

玉楸藥解自序

昔神農解藥黃帝傳醫仲景先生繼農黃立法聖作明述於  
是焉備癸酉春仲旣解長沙藥性而仲景未用之藥散在後  
世本草數百千載狂生下士昧昧用之以毒兆民黃農已往  
仲景云徂後之作者誰復知醫解藥諸家本草率皆孟浪之  
談明時李時珍修綱目博引庸工訛謬之論雜以小說稗官  
仙經梵志荒唐無稽背馳聖明作述之義幾千里矣玉楸子  
悲憶昔人愴念來者甲戌三月成傷寒說意五月成素靈微  
蘊六月復作玉楸藥解八月癸丑告成此愚書之第八部也

000466

蕭蕭古寺落落荒齋感歲月之已晚傷春秋之欲暮當伯玉  
知非之時值孔子學易之候事與之判年與之齊慨世短而  
心長念身微而愁劇雖然子長作史子雲草元固當牢騷於  
創始之日亦必愉快於勒成之時者志勵丁年書竣蒼首十  
仞作井一簣成山此亦烟嵐著書之士最爲破涕而笑者也  
嗚呼有一代之功業有千秋之勳猷仕兼將相望重國家宜  
沙漠之雄威馳丹青之良譽榮則榮矣無何而古墓爲田松  
柏成薪豐碑已斷綠字無存傳觀故老不能考其姓名遠綜  
先典莫或搜其軼事念海桑之更變歎陵谷之遷移宏才遠

略豐功偉烈生而光顯沒而泯滅者不知幾何三不朽事業  
殊不在是與其收功臣之帶礪享良相之茅土不如永日嘯  
歌逍遙於黃葉青山下也甲戌八月甲寅昌邑黃元御撰

德哉茲欲黃華青山下出甲效入以甲夜昌昌自陸天降魁  
亦不其哉與其效也自之帶謝其與陸之采士不取本自

一理以新感坐而大感對而必如李不伏幾可三不亦其

玉楸藥解目錄

卷一 草部

蒼朮

黃精

益智

草薳

縮砂仁

補骨脂

肉豆蔻

胡蘆巴

白豆蔻

大茴香

香附

葦撥

藿香

香薷

葦澄茄

紅豆蔻

使君子

威靈仙

白附子

慈菝

牽牛子

何首烏

肉蓯蓉

鎖陽

丹參

澤蘭

益母草

劉寄奴

延胡索

胭脂

藜藿

薑黃

地榆

三七

蒲黃

續斷

大薊

茜草

紫草

三菱

莪朮

鈎藤

蒼耳子

稀莨草

羌活

天麻

荆芥

秦艽

菊花

青箱子

穀精草

木賊草

木鼈子

青蒿

龍膽草

大青

夏枯草

山慈菘

沙參

元參

茅根

蘆根

前胡

百部

白蘚皮

牛蒡子

山薺根

金銀花

馬兜鈴

紫蘇

白芨

南星

常山

蓖麻子

石斛

浮萍

薄荷

藁本

白芷

貫仲



馬蘭 土茯苓 燈心草 木通 扁蓄

海帶 昆布 地膚子 葶藶 牛膝

旱蓮草 天雄 仙茅 仙靈脾 巴戟天

蒺藜 兔絲子 覆盆子 狗脊 猴薑

遠志 菖蒲 地丁 漏蘆 海金沙

千金子 青黛

卷二 木部

降香 丁香 木香 檀香 烏藥

栝榔 大腹子 阿魏 蘇木 血竭

乳香

沒藥

棕櫚毛

蕪荑

蘆薈

肉桂

杜仲

五加皮

蔓荊子

密蒙花

大楓子

槐實

楝子

竹瀝

荊瀝

榆白皮

木芙蓉

金櫻子

辛夷

蘇合香

安息香

龍腦

冰片

麝仁

琥珀

淡竹葉

沒石子

桑椹

女貞子

楮實子

枸杞子

桑寄生

雷丸

天竺黃

柏子仁

松子仁

卷三

金石部

石鍾乳 硫黃 硃砂 金屑 砒霜

花乳石 密陀僧 空青 層青 石青

石綠 青礞石 浮海石 鐵繡 銅青

石灰 綠礬 蓬砂 膽礬 爐甘石

珊瑚 瑪瑙 石燕 石蠟 石蠶

石鰲 陽起石 吸鐵石 自然銅 無名異

鐵落 針砂 水銀 輕粉 元明粉

百草霜

卷四 藥部

龍眼

荔枝

甘蔗

甜瓜

蓮子

胡桃

山楂

栗子

椴子

荸薺

西瓜

蒲桃

黃橘

青梨

柿霜

枇杷

楊梅

橄欖

林檎

金棗

銀杏

芡實

石榴皮

木瓜

棠梨

香櫞

香橙

芝麻

白扁豆

瓠蘆

冬瓜

白芥子

萊菔子

韭子

卷五

禽獸部

牛肉

馬肉

山羊血

犀角

羚羊角

白狗膽 獺肝 五靈脂 夜明砂 月明砂

雞內金 鷹屎白 鹿茸 鹿角膠 雀卵

虎骨 象皮 熊膽 鼠膽 燕子窠

卷六 鱗介魚蟲部

膾腩臍 海馬 龜板 桑螵蛸 綠蜻蜓

桑蟲 蝸牛 蚯蚓土 原蠶蛾 螻蛄

螺螄 黃蠟 白蠟 珍珠 石決明

蟬脫 蛇脫 蛤蚧 蜥蜴 蟾酥

五倍子 蛤粉 全蝎 殭蠶 白花蛇

烏梢蛇

斑蝥

蜈蚣

青魚膽

烏鯽魚

鮫甲

鯉魚

鯽魚

卷七

胎衣

人中白

人中黃

乳汁

卷八

紫稍花

玉簪根

鳳仙子

錦地羅

墓田回

苜實

經水

雞冠

粟壳

鴉片烟

玉楸藥解卷一



昌邑黃元御坤載著

草部

〔蒼朮〕味甘微辛。入足太陰脾。足陽明胃經。燥土利水。泄飲

消痰。行瘀。開鬱。去滿。化癖。除癥。理吐。吞酸。去腐。辟山川瘴癘。起筋骨之痿軟。回洩溺之混濁。白朮守而不走。蒼朮走而不守。故白朮善補。蒼朮善行。其消食納穀。止嘔。住泄。亦同白朮。而泄水開鬱。蒼朮獨長。蓋木為青龍。因已土而變色。金為白虎。緣戊土而化形。白朮入胃。其性靜專。故長於守。蒼朮入脾。

其性動蕩。故長於行。入胃則兼辛金而降濁。入脾則並走乙木而達鬱。白朮止渴生津者。土燥而金清也。蒼朮之除酸而去腐者。土燥而木榮也。白朮偏入戊土。則納粟之功多。蒼朮偏入己土。則消穀之力旺。己土健則清升而濁降。戊土健則濁降而清亦升。然自此而達彼者。兼及之力也。後彼而先此者。耑效之力也。若是脾胃雙醫。則宜蒼朮白朮並用。茅山者佳。製同白朮。新製雙法列左。選於茅二朮。堅實肥鮮者各一觔。別器泔浸。換水令潤透。去皮切片。曬用黃耆沙參生薑半夏各八兩。煎濃汁浸白朮。大棗桂圓砂仁各八兩。煎濃汁浸



蒼朮。各用磁盤隔布鋪蓋。濕米砂鍋蒸透。曬乾。再浸。再蒸。汁盡而止。量加煖水。溫中之品。合並久餌。實能延年却老。戊土轉運。水火交濟。環鉛聚汞之理。醫家不解。妄以滋陰之藥。促命天年。甚可畏也。或以黃土炒白朮。芝麻炒蒼朮。均妄作。

**黃精** 味甘入足太陰脾。足陽明胃經。補胃脾之精。潤心肺之燥。黃精滋潤滯濃。善補脾精。不生胃氣。未能益燥。但可助濕。上動胃逆。濁氣充塞。故多服頭痛。濕旺者不宜。本草輕身延年之論。未可信也。砂鍋蒸曬用。鉤吻卽野葛。形似黃精。殺人。

益智仁

味辛氣溫。入足太陰脾。足陽明胃經。和中調氣。燥

濕溫寒。遺精與淋濁俱治。吐血與崩漏兼醫。凡男遺精淋濁。

女帶下崩漏。皆水寒土濕。肝脾鬱陷之故。總之木鬱亦生下

熱。而熱究不在脾胃。庸工謂其相火之旺。胡說極矣。其脾胃

上逆。則病吐血。往往紫黑成碗。終損性命。益智仁燥濕溫

寒。運行鬱結。戊土旋轉。金水升降。故治諸症。然非泄水補火

培土養中之藥。未能獨奏奇功。去殼炒研。消食最良。

草薺蔻 味辛氣溫。入足太陰脾。足陽明胃經。燥濕調中。運

行鬱濁。善磨飲食。能驅痰飲。治胃口寒濕作痛。療腹中腐敗

成積泄穢吞酸俱效。蠻烟瘴雨皆醫。痰瘧堪療。霍亂可愈。反胃噎膈之佳藥。嘔吐泄利之良品。化魚肉停留。斷赤白帶下。草薺蔻調和脾胃。溫燥寒濕。運行鬱濁。推宕陳宿。亦與砂仁相彷彿。而性氣頗烈。內鬱稍重者宜之。麩包裹煨。研去皮。

縮砂仁 味辛氣香。入足太陰脾。足陽明胃經。和中調氣。行鬱消渴。降胃陰而下食。達脾陽而化穀。嘔吐與泄利皆良。咳嗽共痰飲俱妙。善療噎膈。能安胎妊。調上焦之腐酸。理下氣之穢濁。除咽喉口齒之熱。化銅鐵骨刺之硬。清升濁降。全賴中氣。中氣非旺。則樞軸不轉。脾陷胃逆。凡水脹腫滿。痰飲咳

嗽噎膈泄利霍亂轉筋胎墜肛脫穀宿水停泄穢吞酸諸證皆升降反常清陷濁逆故也泄之則益損其虛補之則愈增其滿清之則滋其下寒溫之則生其上熱其中氣壅鬱清濁易位水木下陷不受宣泄火金上逆不受溫補也惟以養中之味而加和中之品調其滯氣使樞軸迴旋運動則升降復職清濁得位然後於補中扶土之內溫升其肝脾清降其肺胃無有憂矣和中之品莫如砂仁沖和條達不傷正氣調理脾胃之上品也去殼炒研湯沖服則氣足

補骨脂

味辛苦氣溫入足太陰脾足少陰腎手陽明大腸

經溫脾煖腎。消水化食。治膝冷腰痛。療腸滑腎泄。能安胎墜。善止遺精。收小兒遺溺。與丈夫痿陽。除陰囊之濕。愈關節之涼。陽衰土濕之家。中氣堙菀。升降失位。火金上逆。水木下陷。夜而陰旺。濕增。心腎愈格。子半陽生之際。木氣萌生。不得上達。溫氣下鬱。遂興陽而夢泄。此宜燥土泄濕。升脾降胃。交金木而濟水火。道家媒合。嬰兒姪婦。首重黃婆。元理幽妙。醫工不解也。補骨脂溫煖水土。消化飲食。升達肝脾。收斂滑泄。遺精帶下。溺多便滑。諸症。甚有功效。方書稱其延年益壽。雖未必信。然亦佳品也。鹽酒拌炒用。同青鹽乳香。搽日久牙

三林藥角 卷一  
痛。

肉荳蔻

味辛溫氣香。入足太陰脾、足陽明胃經。溫中燥土。

消穀進食。善止嘔吐。最收泄利。治寒食腹痛。療赤白痢疾。化痰水停留。磨飲食陳宿。肉荳蔻調和脾胃。升降清濁。消納水穀。分理便溺。至爲妙品。而氣香燥。善行宿滯。其質收斂。而固大腸。消食止泄。此爲第一。麩包煨。研去油。湯沖。肉蔻辛香。頗動惡心。服之欲吐。宜蜜小丸烘乾。湯送。

胡盧巴

味苦辛氣溫。入足陽明胃、足少陰腎經。泄濕驅寒。

破瘕消疝

胡盧巴苦溫。下行水土濕寒。治腹脇滿脹。寒疝。

冷瘕囊墜脚腫之證。

白荳蔻

味辛氣香。入足陽明胃。手太陰肺經。降肺胃之冲

逆。善止嘔吐。開胸膈之鬱滿。能下飲食。噎膈可效。痰瘧亦良。去睛上翳障。消腹中脹疼。白荳蔻。清降肺胃。最驅膈上鬱濁。極療惡心嘔穢。嚼之。辛涼清肅。肺腑鬱煩。應時開爽。秉秋金之氣。古方謂其大熱。甚不然也。研細。湯冲服。

紅荳蔻

味辛氣溫。入足太陰脾。足陽明胃經。治脾胃濕寒

痛脹皆消。療水穀停痰。吐泄俱斷。善止霍亂瘧痢。能除反胃噎膈。去胸腹之酸穢。散山川之瘴癘。紅荳蔻。調理脾胃。溫

三才圖會 卷一  
燥濕寒開通瘀塞宜導瘀濁亦與草荳蔻無異而力量稍健  
內瘀極重者宜之上熱易作鼻衄牙疼之家盡屬中下濕寒  
膽火不降當溫燥中下候上熱不作而用之去殼研用 紅  
荳蔻卽良薑子與良薑性同

大茴香 味辛微溫入足陽明胃足少陰腎經降氣止嘔溫  
胃下食煖腰膝消癩疝 茴性香溫下達治水土濕寒腰痛  
腳氣固痲寒疝之上品也

香附 味苦氣平入足太陰脾足厥陰肝經開鬱止痛治肝  
家諸症但肝以風木之氣升達不遂則生風燥香附降伏之



性最不相宜。香燥之氣亦正相反。庸工香附諸方。造作謬妄。  
葶撥 味辛氣溫。入足太陰脾。足陽明胃經。溫脾胃而化穀。  
煖腰膝而止痛。吐泄皆醫。疝瘕並效。葶撥辛燥溫煖。治水  
穀不消。腸鳴水泄。心腹疼脹。嘔逆酸心之病。甚佳。醋浸焙  
用。葶撥與葶澄茄性味相同。功效無殊。皆胡椒類也。

藿香

味辛微溫。入足太陰脾。足陽明胃經。降逆止嘔。開胃

下食。煎漱口臭。

藿香辛溫。下氣善治霍亂嘔吐。心腹脹滿

之病。

香薷

味辛微溫。入足陽明胃。足太陽膀胱經。利水泄濕。止

三才圖會 卷一  
嘔斷痢。溫胃調中。治霍亂腹痛吐痢之證。利小便。消水腫。止鼻衄。療腳氣。庸工用之。治暑病。

葦澄茄 味辛氣溫。入足太陰脾。足陽明胃經。溫燥脾胃。消納水穀。能止脹痛。善除嘔吐。澄茄。溫燥之性。甚宜脾胃寒濕。下氣降濁。進食消穀。治霍亂吐泄。反胃噎膈之病。酒浸炒用。形似胡椒。

使君子 味甘微溫。入足太陰脾。足厥陰肝經。利水燥土。殺蟲止泄。燥濕溫中。疏木殺蟲。治小便白濁。大便秘利。痞塊癰瘡。每月上旬取仁數枚。空腹食之。蟲皆死。戒飲熱茶。犯之。

則泄。

**威靈仙**

味苦微温。入足太陰脾。足厥陰肝經。起癰開痺。化

癖行痰。

威靈仙泄濕驅風。行痰逐飲。治手頑足痺。腰痛膝

軟。老血夙癥。積水停痰。虛家並不宜用。

**白附子**

味辛甘。性温。入足太陰脾。足厥陰肝經。驅風泄濕。

逐痺行痰。治中風失音。鼻口偏斜。耳聾喉痺。疥癬疔瘡。面上

黥黯。陰下溼癢。行痰涎。止唾。

**慈菘**

味甘微寒。入足太陰脾。足厥陰肝經。下食消穀。止血

磨癥。催產下衣。行血通經。慈菘甘寒通利。破產後瘀血。開

三極藥解 卷一  
小便澹淋。滑胎下衣。妊婦忌食。

牽牛子 味甘氣寒。入足陽明胃。手陽明大腸。手太陽小腸。

足太陽膀胱經。逐痰泄水。破聚決壅。下停痰積水。宿穀堅癥。殺蟲泄蠱。除腫消脹。溺癰便結。風刺雀班之症。皆醫。功力甚猛。虛者勿服。去皮研用。

何首烏 味甘澹氣平。入足厥陰肝經。養血榮筋。息風潤燥。斂肝氣之疏泄。遺精最效。舒筋脈之拘攣。偏枯甚良。瘰癧癰腫皆消。崩漏淋漓俱止。消痔至妙。截瘡如神。滋益肝血。榮舒筋脈。治中風左半偏枯之病甚佳。輔以燥土煖水之味。佐以

疏木導經之品。絕有奇功。而不至助濕敗脾。遠勝地黃龜膠之類。方書謂其黑髮烏鬚悅顏卻老。理頗不虛。蓋陰者陽之宅也。肝血溫升。生化魂神。血敗則溫氣亡泄。魂神脫矣。未有宮室毀壞而主人無恙者也。何首烏滋肝養血。則魂神暢茂。長生延年。理有必至。但宜加以扶陽之藥。不可參以助陰之品。庸工開以補陰之門。龜地之殺人多矣。米泔換浸一兩天。銅刀切片。黑豆拌勻。砂鍋蒸。晒數次。上品也。

**肉蓯蓉**

味甘鹹。氣平。入足厥陰肝。足少陰腎。手陽明大腸經。煖腰膝。健骨肉。滋腎肝精血。潤腸胃結燥。凡糞粒堅小。形

如羊屎。此土濕木鬱下竅閉塞之故。穀滓在胃不得順下。零星傳送斷落不聯。歷陽明大腸之燥煉成顆粒。秘澇難通。總緣風木枯槁疏泄不行也。一服地黃龜膠反益土濕。中氣愈敗矣。肉苳蓉滋木清風養血潤燥。善滑大腸而下結糞。其性從容不迫。未至滋濕敗脾。非諸潤藥可比。方書稱其補精益髓悅色延年。理男子絕陽不興。女子絕陰不產。非溢美之詞。

鎖陽

味甘微溫。入足厥陰肝經。補血滋陰。滑腸潤燥。榮筋

起痿。最助陽事。其性與肉苳蓉同。

丹參 味甘氣平。入足厥陰肝經。行血破瘀。通經止痛。丹

參調經安胎。磨堅破滯。一切癰疽。痂癩。瘰癧。疥癬。癥瘕。崩漏

皆良。本草謂其破宿血。生新血。落死胎。通血脈。治腳膝痠痺。

走及奔馬。行血之良品也。

澤蘭 味苦微溫。入足厥陰肝經。通經活血。破滯磨堅。胎產

俱良。瘕瘕頗善。止腰腹疼痛。消癰疽熱腫。跌打吐血。能瘳。

澤蘭辛溫香散。行血破瘀。通脈安胎。一切癰疽。瘕瘕。金瘡。撲

打吐衄諸症皆醫。而氣味和平。不傷迅利。行經化結之良品

也。

三才圖會 卷一  
益母草 味苦辛。氣平。入足厥陰肝經。活血行經。破瘀通脈。胎產崩漏。癰疽。癥瘕。跌打損傷。悉效。益母草調經行血。治一切血症。破瘀掃腐。下死胎。催胞衣。並醫各色瘡瘍。女子良藥。

劉寄奴草

味苦。微溫。入足厥陰肝經。活血行瘀。化癥破結。劉寄奴。善行瘀血。凡經期產後湯火跌撲血瘀諸症。俱瘳。止便溺失血。金瘡不收口。並捷。

延胡索

味苦辛。微溫。入足厥陰肝經。調經破血。化塊消癥。

專行滯血。治經瘀腹疼。化積聚癥瘕。理跌撲損傷。



**胭脂**

味甘氣平。入足厥陰肝經。治血行瘀。消腫止疼。此紅

蘭花所作。活血與花同。

**菖茹**

味辛。微寒。入足厥陰肝經。行老血。破宿癥。掃除凝血。

消磨瘀肉。有去腐決壅之力。素問同烏鰂骨。治婦人血枯。王氏以爲去惡也。

**姜黃**

味甘苦。性寒。入足厥陰肝經。破血化癥。消腫敗毒。破

瘀血。宿癥。消撲損癰疽。止心腹之疼痛。平疥癬之初生。

**地榆**

味苦氣寒。入足厥陰肝經。泄熱清肝。涼營止血。地

榆。苦寒沉降。止吐衄便溺崩漏金瘡諸血。大凡失血症。內寒

三和藥角 卷一  
者多而熱者少。庸工以治下焦血病。最不通。

三七

味甘微苦。入足厥陰肝經。和營止血。通脈行瘀。行瘀

血而斂新血。凡產後經期跌打癰腫一切瘀血皆破。凡吐衄崩漏刀傷箭射一切新血皆止。血病之上藥也。

蒲黃

味甘氣平。入足厥陰肝經。行瘀止血。蒲黃亦行瘀

血而斂新血。經產癰疽癥瘕跌撲能破。吐衄崩漏痔瘡痢疾  
癰血能止。調經止帶。安胎下乳。心腹諸症。下衣催生。自皆善  
品。

續斷

味苦微溫。入足厥陰肝經。行血破瘀。斂營補損。續

斷行瘀血而斂新血崩漏癥瘕癰疽瘰癧淋瀝痔瘻跌打金瘡諸血能止能行有回虛補損接骨續筋之力。

大薊 味苦微溫入足厥陰肝經回失紅行瘀血 大薊亦

行瘀血而斂新血吐衄崩漏癰疽跌打及腸癰血積金瘡蟲毒蟲毒俱治 小薊性同而力猶薄不能瘰癧消腫但破血耳。

茜草 味苦微寒入足厥陰肝經通經脈瘀塞止營血流溢

茜草亦行瘀血而斂新血吐衄崩漏跌打損傷痔瘻瘡癰俱治。

紫草 味苦氣寒。入足厥陰肝經。清肝涼血。泄火伐陽。紫

草疏利。涼血活瘀。寒胃滑腸。痘色紅紫之症。緣營閉衛虛不

能外達。庸工以爲血瘀。治以紫草。百治百死。可惡可惡。

三稜 味苦。氣平。入足厥陰肝經。破滯行瘀。消積化塊。三

稜磨積聚癥瘕。善破老血。通經利氣。下乳墮胎。止經產心腹

諸病。消跌撲損傷。諸瘀。軟瘡瘍癰腫堅硬。

莪朮 味苦辛。微溫。入足厥陰肝經。破滯攻堅。化結行瘀。

莪朮俗作朮。消癖塊。破血癥。化府藏痼冷。散跌撲停瘀。通經開

閉。止痛散結。醋炒用。

鈎藤 味甘。微温。入足厥陰肝經。泄濕清風。止驚安悸。治木

鬱筋惕瘈瘲。

蒼耳子 味苦微温。入足厥陰肝經。消腫開痺。泄濕去風。治

肢節攣痛。癩癧疥癬。風瘙癢疹。葉主發散風濕。

豨薟草 味苦。氣寒。入足厥陰肝經。止麻木。伸拘攣。通利關

節。驅逐風濕。瘡瘍癰腫。服塗皆善。研末。熱酒冲服。治疔瘡

腫毒。汗出則愈。不可治中風。

羌活 味苦。氣平。入足厥陰肝經。通關逐痺。發表驅寒。泄濕

除風。治中風癱痺。喎斜關節攣痛。皮膚瘙癢。癰疽疥癩諸病。

玉欬藥 鈎藤 蒼耳子 豨薟草 羌活 秦艽 芥 上

獨活性同。

天麻 味辛微温。入足厥陰肝經。通關透節。泄濕除風。治中

風癢痺癱瘓腰膝牽強手足拘攣之症。兼消壅腫。

荆芥 味辛微温。入足厥陰肝經。散寒發表。泄濕除風。治鼻

口喎斜肢體癢痺筋節攣痛目眩頭旋之症。消瘡癩疥癩痔

瘦瘰癧除吐衄崩漏脫肛陰癩。

秦艽 味苦氣平。入足厥陰肝經。發宣經絡。驅除風濕。治中

風癱瘓濕家筋攣骨痛黃疸之症。

菊花 味甘氣平。入足厥陰肝經。清風止眩。明目去翳。菊

花清利頭目。治頭目疼痛眩暈之症。庸工凡治頭目。無不用之。今古相承。不見其效。不知頭目眩暈。由濕盛上逆。濁氣充塞。相火失根。升浮旋轉而成。愚妄以爲頭暈而用發散之藥。此千試不靈之方也。

**青箱子** 味苦微寒。入足厥陰肝經。清肝泄熱。明目驅風。治眼病赤腫。紅翳青盲。此庸工習用之藥。

**穀精草** 味苦微溫。入足厥陰肝經。明目清風。去翳消障。

苦溫發散。庸工治頭痛目翳之症。謂其能愈頭風。愚妄極矣。  
**木賊草** 味苦微溫。入足厥陰肝經。明目退翳。清風止崩。

木賊草磨翳清障除漏止崩解肌發汗與麻黃同性。

木鼈子 味苦微溫入足厥陰肝經軟堅化結消腫破瘀。

治惡瘡乳癰痔瘻瘦瘤瘰癧粉刺黥斑癖塊疝氣之證

番木鼈治喉癖

青蒿 味苦氣寒入足厥陰肝經清肝退熱泄溼除蒸。治

骨蒸熱勞平疥癩瘙癢惡瘡久痢去男子髯髮止金瘡血流

醫一切溼熱之證。淋汁合和石灰消諸瘀肉。

龍膽草 味苦大寒入足厥陰肝足少陽膽經清肝退熱涼

膽泄火。除肝膽鬱熱治眼腫赤痛瘀肉高起療臍疽發黃



膀胱熱瀼。除咽喉腫痛諸症。中寒者勿服。

**大青**

味苦。大寒。入足厥陰肝。足少陽膽經。清風退火。泄熱

除蒸。治瘟疫斑疹黃疸痢疾喉痺口瘡。搗敷腫毒。小青同性。

**夏枯草**

味苦辛。氣寒。入足厥陰肝。足少陽膽經。涼營泄熱。

散腫消堅。治瘰癧癭瘤撲傷血崩帶下白

汗斑諸證。

鮮者熬膏佳

**山慈菘**

味甘辛。氣平。入足厥陰肝。足少陽膽經。消腫敗毒。

軟堅化結。平瘡瘍腫硬。治癰疽瘰癧癩疔毒結腫黥斑粉滓

諸證。湧吐風狂痰涎。

沙參

味甘稍苦。微涼。入手太陰肺經。清金除煩。潤燥生津。涼肅冲淡。補肺中清氣。退頭上鬱火。而無寒中敗土之弊。但情性輕緩。宜多用乃效。山東遼東者佳。堅脆潔白。迥異他產。一切瘡瘍疥癬腫痛瘙癢皆效。

元參

味甘微苦。入手太陰肺。足少陰腎經。清肺金。生腎水。滌心胸之煩熱。涼頭目之鬱蒸。瘰癧斑疹鼻瘡喉痺皆醫。

清金補水。凡瘡瘍熱痛。胸膈燥渴。澀便紅渣。膀胱癰閉之證。俱善。清肺與陳皮杏仁同服。利水合茯苓澤瀉同服。輕清飄灑。不寒中氣。最佳之品。

茅根 味甘微寒。入手太陰肺足太陽膀胱經。清金止血利水通淋。白茅根清金利水。歛血通經。治喘噦煩渴吐衄崩漏。經閉溺澹。水腫黃疸。初生茅針止血便血。收金瘡流血。消腫敗毒。下水潰癰。酒煎服。一針潰一孔。二針潰二孔。花止吐血金瘡流血。上品也。

蘆根 味甘性寒。入手太陰肺足陽明胃經。降逆止嘔。清熱除煩。蘆根清降肺胃。消蕩鬱煩。生津止渴。除嘔下食。治噎噦懊懜之症。蘆筭清肺止渴。利水通淋。解魚肉藥箭諸毒。蘆葉清肺止嘔。治背疽肺癰。灰汁煎膏。蝕瘀肉去黑子。

三才圖會 卷一  
三  
籟治金瘡癩痕。

前胡 味苦微寒。入手太陰肺經。清肺化痰降逆止嗽。前

胡清金泄火治氣滯痰阻欬逆喘促之症。

百部 味苦微寒。入手太陰肺經。清肺止嗽。利水殺蟲。百

部清金潤肺止嗽降逆殺白蟻虻虫一切樹木蛀虫療疥癬  
瘙癢消水氣黃腫。洗衣去虱。

白蘚皮 味苦性寒。入手太陰肺足太陽膀胱經。清金止欬。

利水清疸。白蘚皮。清金利水。治欬嗽上氣黃疸。湯癢疥癬。

鼠瘦諸病。

牛蒡子 味苦氣平。入手太陰肺經。清風泄濕。消腫敗毒。  
牛蒡子發散風濕。清利咽喉。治癰疹鬱蒸。泄氣臃水。脹歷節。  
腫痛之症。庸工習用。小兒疹病上品也。

山苳根 味苦氣寒。入手太陰肺經。清利咽喉。腫痛一切瘡。  
瘍疥癬。殺寸白諸虫。

金銀花 味辛微涼。入手太陰肺。足厥陰肝經。涼肝清肺。消  
腫敗毒。金銀花清散風濕。消除腫毒。治一切瘡瘍。楊梅疥  
癬痔瘻痢疾之類。敷飲俱妙。功次木芙蓉。

馬兜鈴 味苦氣寒。入手太陰肺經。清肺降逆。定喘止嗽。

玉冰燒藥  
牛蒡子 山苳根 銀花 馬兜鈴 紫蘇

馬兜鈴苦寒泄火清肺下衝治欬逆痰喘痔瘻腫痛能解蛇  
虫多用則吐

紫蘇 味辛微温入手太陰肺經温肺降逆止喘定嗽 紫  
蘇辛温下氣治欬逆痰喘嘔吐飲食利膈通腸破結消癥兼  
驅腰膝溼氣解蠱毒

白芨 味苦氣平入手太陰肺經歛肺止血消腫散瘀 白  
芨粘濇收斂肺氣止吐衄失血治癰疽瘰癧痔瘻疥癬疔炮  
之病跌打湯火金瘡之類俱善。

南星 味辛性温入手太陰肺足陽明胃經降氣行瘀化積

消腫。南星辛烈開通。治胃逆肺阻。胸膈壅滿。痰涎膠塞。頭目眩暈。磨積聚癥瘕。消癰疽腫痛。療麻痺拘攣。止吐血便紅。及疥癬疣贅。喉痺口瘡。金瘡打損。破傷中風之類。功同半夏。而猛烈過之。水浸二三日。去其白涎。用牛膽汁套者。治痰鬱肺熱甚佳。

**常山** 味苦性寒。入手太陰肺。足陽明胃經。吐痰泄水。消脹除癰。常山苦寒。迅利。排決痰飲。能吐能下。庸工以治痰瘧。有無痰不瘧之說。陋矣。卽蜀漆根。生用多服。則作嘔吐。**蓖麻子** 味苦氣平。入手太陰肺。足太陽膀胱經。下胎衣。收

子腸。拔腫毒。泄水瘕。蓖麻子性善收引。敷足則下胎衣。塗頂則收子腸。貼鼻口喎斜。消咽喉腫痺。熬膏貼膚拔毒追膿。紙燃入鼻。開癰通閉。又性善走泄。能利大小二腸。下飲澀水。癥兼消腫硬。平瘰癧惡瘡。

**石斛** 味甘氣平。入手太陰肺。足少陰腎經。降衝泄濕。壯骨強筋。石斛下氣通關。泄濕逐痺。溫腎壯陽。煖腰健膝。治發熱自汗。排癰疽膿血。療陰囊濕癢。通小便淋漓。

**浮萍** 味辛微寒。入手太陰肺經。發表出汗。泄濕清風。浮

萍辛涼發表。治溫疫斑疹。療肌肉麻痺。中風喎斜。癰瘰。醫癰



疽熱腫癰疹瘙癢楊梅粉刺汗斑皆良。利小便閉癰消肌膚  
腫脹。止吐衄。長鬚髮。善品也。

**薄荷** 味辛氣涼。入手太陰肺經發表退熱。善泄皮毛。治傷  
風頭痛癩癧疹瘙癢滴鼻止衄塗敷消瘡上品也。

**藁本** 味辛微溫。入手太陰肺。足太陽膀胱經。行經發表泄  
濕驅風。藁本辛溫香燥發散皮毛風濕治頭炮面疝酒齧  
粉刺疥癬之疾。

**白芷** 味辛微溫。入手太陰肺。手陽明大腸經。發散皮毛驅  
逐風濕。白芷辛溫香燥。行經發表。散風泄濕。治頭痛鼻淵。

乳癰背疽。瘰癧痔瘻瘡。癰疥癬風痺。瘙癢。疔炮。瘻之症。兼能止血。行瘀。療崩漏。便溺。諸血。並醫帶淋之疾。刀傷。蛇咬。皆善。敷腫毒。亦善。上品也。

貫仲

味苦微寒。入手太陰肺。足厥陰肝經。止血。行瘀。破積。

殺虫。收斂營血。消化瘀蒸。治吐血。衄崩。帶積。聚。疔。癬。殺寸白諸虫。

馬蘭

味苦辛。氣平。入手太陰肺。足厥陰肝經。止血。破瘀。消

疽。除瘡。調營養血。破舊生新。治吐血。衄。瘡。痢。消酒。疽。水腫。腹痛。腸痧。喉痺。口緊。療金瘡。折損。解蟲毒。蛇菌毒。痔瘡。

土茯苓 味甘氣平。入足少陰腎經。利水泄濕。燥土健中。壯筋骨而伸拘攣。利關節而消壅腫。最養脾胃。善止泄利。燥土泄濕。壯骨強筋。止泄斂腸。極有殊效。善治癰疽瘰癧楊梅惡瘡上品。

燈心草 味淡氣平。入足少陰腎經。利水通淋。泄濕開癢。燈心草利水滲濕。通小便淋瀝。燒灰吹喉。散止鼻衄。並治破傷血流之症。亦上品也。

木通 味辛氣平。入足太陽膀胱經。通經利水。滲濕清熱。木通孔竅玲瓏。通利竅隧。利水開癢。滲泄膀胱濕熱。庸工利

水方中率多用之。而絕不得效。本草諸家未參驗耳。

**扁蓄** 味甘氣平。入足太陽膀胱經。清利膀胱。滲泄濕熱。

扁蓄利水泄濕。治黃疸淋瀝。消女子陰蝕。殺小兒蛭虫。療淫疥癩疽痔瘡痛癢之症。

**海帶** 味鹹性寒。入足太陽膀胱經。行痰泄水。消癭化瘤。

海帶鹹寒疏利。清熱軟堅。化痰利水。治鼓脹癭瘤。與昆布海藻同功。

**昆布** 味鹹性寒。入足太陽膀胱經。泄水去濕。破積軟堅。

昆布鹹寒清熱利水。治氣臌水脹癭瘰癧疝惡瘡。與海

藻海帶同功。

地膚子 味苦微寒。入足太陽膀胱經。利水泄濕。清熱止淋。清利膀胱濕熱。治小便淋瀝。療頭目腫痛。狐疝。陰癩。腰疼。脇痛。血痢。惡瘡。陽痿。諸症。苗葉利水亦捷。

萆薢 味苦氣平。入足太陽膀胱經。泄水去濕。壯骨舒筋。萆薢疏泄水道。驅經絡關節之濕。治手足癢痺。癱瘓。小便白濁。頻數。諸症。並醫惡瘡。痔瘻。

牛膝 味苦酸氣平。入足太陽膀胱經。足厥陰肝經。利水開淋。破血通經。牛膝疏利水道。治小便淋瀝。疼痛。療膝脛疼。

痺拘攣。通女子經脈閉結。起男子宗筋軟縮。破堅癥。老血消。毒腫惡瘡。木器刺傷。搗敷金瘡。潰癰排膿。墮胎下衣。喉痺舌瘡。撲傷打損。癰疹風癩。皆效。其性下行。肝脾鬱陷者勿用。

**早蓮草** 味甘酸。入足少陰腎。足厥陰肝經。益肝腎。烏鬚髮。

早蓮草汁黑如墨。得少陰水色。入肝滋血。黑髮烏鬚。止一切失血。敷各種瘡毒。汁塗眉髮。其生速繁。

**天雄** 味辛性溫。入足少陰腎。足厥陰肝經。驅寒泄濕。秘精壯陽。溫腎榮筋。治陽痿精滑。膝攣腰痛。心腹疼痛。胸膈痰水。續筋接骨。化癖消癥。排癰疽膿血。起風痺癱瘓。治霍亂轉筋。

天雄卽附子長大者。製法與附子同。煨去皮臍切片隔紙焙乾。稍生服之則麻木昏暈。

仙茅 味辛氣溫。入足少陰腎。足厥陰肝經。壯骨強筋。煖腰溫膝。仙茅煖水。榮木復脈清風。滋筋力益房幃。治玉塵痿軟皮膚風癩。去毛糯米浸汁去赤汗。

仙靈脾 味辛苦微溫。入足少陰腎。足厥陰肝經。榮筋強骨。起痿壯陽。仙靈脾滋益精血。溫補肝腎。治陽痿不舉。陰絕不生。消瘰癧。起癱瘓。清心明目。益志安神。亦名淫羊藿。羊脂拌炒。

三火藥。仙茅。仙靈脾。巴戟天。茯苓。菟絲子。

三林藥角  
卷一  
巴戟天

味辛甘微温。入足少陰腎。足厥陰肝經。強筋健骨。

秘精壯陽。

巴戟天温補精血。滋益宗筋。治陽痿精滑。鬼交。

夢遺。驅逐脈風。消除痲癩。

去梗酒浸蒸晒。

蒺藜

味苦微温。入足少陰腎。足厥陰肝經。泄濕驅風。斂精。

縮溺。蒺藜疏木驅風。治肝氣輸泄。精滑溺數。血淋白帶。白者。

良。與沙苑同性。

菟絲子

味酸氣平。入足少陰腎。足厥陰肝經。斂精利水。煖。

膝温腰。

菟絲子酸澆斂固。治遺精淋漓。膝冷腰痛。但不宜。

於脾胃。久服中宮壅塞。飲食不化。不可用以誤人。



覆盆子 味甘氣平。入足少陰腎。足厥陰肝經。強陰起痿。縮

溺。斂精。覆盆子補肝腎精血。壯陽宜子。黑髮潤顏。治小便

短數。

狗脊 味苦氣平。入足少陰腎。足厥陰肝經。泄濕驅寒。起痿

止痛。狗脊泄腎肝濕氣。通關利竅。強筋壯骨。治腰痛膝疼。

足腫腿弱。遺精帶濁。去毛酒蒸。

猴姜 味苦微溫。入足少陰腎。足厥陰肝經。接骨斷。止牙痛。

猴姜泄濕通經。治關節疼痛。手足不仁。耳鳴牙疼。筋斷骨

折。兼療腎泄。亦名骨碎補。上品也。

三火... 覆盆子狗脊 猴姜 遠志 菖蒲也 丁

遠志 味辛微溫。入手少陰心。足少陰腎經。開心利竅。益志安神。遠志辛散。開通治心竅昏塞。胸膈痺痛。補腎壯陽。斂精止泄。療骨疽乳癰。一切瘡瘍腫毒。

菖蒲 味辛氣平。入手少陰心經。開心益智。下氣行鬱。菖

蒲辛烈。疏通開隧。竅瘀阻。除神志迷塞。消心下伏梁。逐經絡濕痺。治耳目瞶聾。療心腹疼痛。止崩漏帶下。胎動半產。散癰疽腫痛。疥癬痔瘻。生石中者佳。四川道地。萊陽出者亦可。用上上品也。

地丁 味苦辛微寒。入手少陰心。足少陽膽經。消腫毒。療瘡

疥行經泄火散腫消毒。治癰疽瘰癧疔毒惡瘡。敷食皆佳。紫  
花地丁更勝白花者。亦名蒲公英。蒲公英黃花非白花。

漏蘆 味鹹性寒。入足少陰腎。足厥陰肝經。利水秘精。涼血

敗毒。漏蘆鹹寒利水泄濕。清肝退熱。治失溺遺精淋血便

紅眼痛目赤。背疽乳癰。痔瘻瘰癧。白禿金瘡。歷節帶下泄利。

治一切蟲傷。跌打惡瘡。毒腫排膿。止血服浴皆善。下乳汁最

捷。

海金沙 味甘性寒。入手太陽小腸經。利水泄濕。開癰止淋。

清泄膀胱濕熱。治膏血砂石諸淋。消鼓脹腫滿。沙乃草上細

三 欬 藥 解 卷 一 漏 蘆 海 金 沙 千 金 子 青 黛 三

粉如蒲黃然。

千金子 味辛微瀼。入足陽明胃。手陽明大腸。手太陽小腸。

足太陽膀胱經。泄水下痰。決癰掃腐。千金子下停痰積水。

一掃而空。功力迅速遠勝他藥。亦不甚傷中氣。凡食積血塊。

老癖堅癩。經閉胞轉。氣臆水脹。皆有捷效。兼泄蠱毒。療蛇咬。

點黑子贅疣。愈疥癬黥黯。去殼服白仁。紙包壓去油。淨取霜。

每服十餘粒。亦名續隨子。上品也。

青黛 味鹹氣寒。入足厥陰肝經。清肝泄熱。涼膽除蒸。敷金。

瘡壅腫。療惡犬毒蛇諸傷。

